

# لماذا لا يثبت أغلب الملتزمين ؟! | " ظاهرة التسرب الالتزامي " |

## #لقاء\_خاص | د. حازم شومان

حازم شومان

محمد جلال فين؟ الشيخ يعني بصوا يا اخوانى اقول لكم نصيحة لكم في حياتكم. اوعوا تغلطوا غلطته. اوعوا تغلطوا غلطتهم. والله اوعوا لما تكبروا انكم تقعدوا وتسمعوها. بص انا بشهر بهم اهو قدامكم. والكاميرا بتتصور. اوعوا اوعوا لا ده ده مشايخ كلهم -

00:00:00

ربنا يحفزهم يا شيخ تامر شيخنا طبعا. بس انا قصدي حاجة. اوعوا يا جماعة لما واحد فيكم يخلص كتابين ولا ياخذ منهج علمي مع شيخ. ولا يخلص نص القرآن حفظ ولا يشتغل في الدعوة واتنين يلتزموا على ايديه؟ ولا يشتغل في تربية الاطفال او الاشبال ويبقى له ايه؟ ثلاثة اربعة حواليه كده بيربى فيهم. اوعى -

00:00:35

لما تحس انك انت كبرت او عى تستغنى انك انت تقعد وتسمع. ابو بكر الصديق صديق الامة خليفة رسول الله صلى الله عليه وسلم لآخر جلسة اعادها النبي عليه الصلاة والسلام. وخدوا بالكم ان جلسات النبي كانت جلسات عامة ولا خاصة؟ جلسة بعد العصر عامة ولا خاصة؟ عامة الاعرابي اللي لسه -

00:00:55

آآ ما يعرفش يعني ايه لا الله الا الله جاي يقعد يسمع. فالنبي عليه الصلاة والسلام بيتكلم في اساسيات الالاساسيات. يعني سيدنا ابو بكر الكلام ده سمعه الف مرة قبل كده. غير جلسات النبي عليه الصلاة والسلام -

00:01:15

الخاصة اللي كان بيطلع منها بقى اقرأهم فلان وافرادهم فلان. واعلهم بالحلال والحرام فلان. النبي كان له جلسة جلسات تعليمية خاصة بيطلع به فيها كواذر تشيل بقى العلم في الامة. انما الجلسة العامة دي كان المتوقع ان الصحابة يقولوا ايه؟ وانا ما لي بقى سيدنا معاذ ده انا اعلم الامة بالحرام والحلال اقعد اسمع جلسة لسه النبي -

00:01:25

نتكلم عن اركان الایمان وسيدنا جبريل يدخل المسجد ويضع ركبتيه الى ركبتيه. اه ويقول له ويقول له هيخبرني عن الاسلام يقول له اه بنى الاسلام على خمس اخبارنا عن الایمان يقول له ان تؤمن بالله وملائكته وملائكته! يا عم ده اللي قاعدين دول! ده اللي قاعدين دول علماء هيعلموا الكرة الارضية. وقاعدين لسه -

00:01:45

اسمعوا اركان الایمان واركان الاسلام ومعنى الاحسان. ده الكلام ده مخلصينه من سنين. لآخر جلسة اعادها النبي عليه الصلاة والسلام في حياته كبار الصحابة ابو بكر الصديق قاعدة. عشان كده بقوا خلفاء الارض بعد كده. يا اخوانا -

00:02:05

دي اساسيات في الدين. اوعى تكبر على انك انت تحضر وتسمع وتقعد وتلتزم. اوعى تكبر على الجلسة الاسبوعية بتاعة اخوانك اقعد كده جنب اخوك فرحان بالعزوة بتاعتك وتعال اخوك. انا عايز النهاردة رغم ان احنا ماشيين في سلسلة انا قلت باسم الله والصلة والسلام على رسول الله ص؟ رغم ان احنا ماشيين في سلسلة اللي هي سلسلة -

00:02:21

اسرار الذكر وسلسلة آآ شرح سورة صاد. الا ان انا النهاردة انا عايز اخد كلمة واحدة بس من سورة الصاد. انا عايز يا جماعة نتكلم في جذور الحياة. يا جماعة مشكلة -

00:02:41

الاخوة انها مش عارفة تعيش الطريق مش مرسوم قدام عينيه. عشان كده الكلام اللي احنا بنتكلم فيه ده كل التركيز فيه ازاي تعيش يا ابني ازاي تفضل على الطريق ده بعد عشر سنين تعمل ايه لربنا سبتاك؟ احنا عندنا مصيبيتين. مصيبة عدم السبات ما فيش حد بيسبت. الجلسة الاسبوعية في مسجد -

00:02:51

اه صابر ناصر من تلات سنين كان مين اللي فيها يا عم الشيخ احمد؟ كان في حد من دول فيها؟ كان فيها ناس تانية خالص. الوقتي ناس تانية خالص خالد مصيبة التسرب الالتزمي والتسرب الحركي. مش معناه ان الاخ آآ يا جماعة احنا ما بنسبتش يعني مركب الدعوة - [00:03:11](#)

ماشية ما بتقفلش وعلى طول بيتجدف وبتمشي. انما المصيبة ان كل ما ما تغمض عينك وتفتحها تلاقي اللي بيجدف ايه؟ ناس غير اللي كانوا قبلهم في اول مصيبة موجودة عندنا مصيبة السبات. انك انت تلاقي موقع الطريق الى الله. ما شاء الله لا قوة الا بالله. مستمر. انما كل خمس سنين ممكنا تلاقي - [00:03:31](#)

شغالين فيه غير غير التانين. جماعة خير زاد. ممكنا تلاقي بعد تلات سنين اللي شغالين فيها غير اللي كده وشغالين. هو في ايه يا جماعة؟ المراكب ما بتقفلش. الدعوة في المسجد ما بتقفلش - [00:03:51](#)

نشاطات صنائع المعروف ما بتقفلش. انما كل سنة تلاقي الاخ اللي شغال على الاسر غير الاخ اللي بعد كده او كل سنتين تلاتة. كل خمس سنين تيجي تبص على الاخوة - [00:04:01](#)

صابر نصر كده قال لها فلان فين؟ اه ده سافر عقد عمل. طب وفلان ده اه بقيت شغال بقى وهو شغال من تمانية الصبح لانتاشر بالليل طب ما بييجي ساعة الفجر لأ ما بيقدرش. طب وفلان - [00:04:11](#)

زعل يعني ايه اتفقل من واحد كده والاتنين خبطوا في بعض وزعل. وفلان اصل هو كان عمل مشكلة كده مع مراته فقام اخ مش عارف ايه فقام اتنفسن وقال ازاي يتدخل في مشاكله الخاصة وزعل وطفش. طب وفلان اه اصل فلان ده بقى مراته صاحبة مرات فلان. فالاتنين ولعوا في بعض - [00:04:21](#)

قام الاخين حاصل فيهم ايه؟ ابو الاخين مولعين في بعض. ما هو الستات هتسوقنا بقى. الكلام اللي بقوله لكم ده الاف الاخوة سابوا الطريق بسببه. انتم فكركم ان انا بقول لكم كلام لا - [00:04:41](#)

الاف مؤلفة سابت الطريق بسبب لعب العيال اللي انا بقوله دهو عشان كده يا جماعة اكبر مشكلة عند تيار الاسلامي وبالزات اليتامي الغلابة اللي زيكم دهمت ها اكبر مشكلة عند التيار السلفي لو انت عايزني اجيب لك كلمة بالزبط - [00:04:51](#)

لان الباقي بيبقى له ناس عيشاله اكبر مشكلة عند الاخوة انه مش عارف يعيش. عشان كده لما اقول لك الوقت اقعد الجلسة اقعد اسمع يا ابني انا قاصد انك تسمع حتى لو انت لو انا قعدت معك امبارح وقلت لك كل الكلام اللي انا هقوله دهوت اقعد اسمع برضو. قعدتك دي مهمة لك الى ان يموت اللي قاعد على الكرسي - [00:05:11](#)

القلعة الكرسي ده فلان فلان انك انت تقدر تسمع كبار الصحابة اقرأهم فلان اعلمهم بالحلال والحرام فلان افرادهم فلان قاعدين في مجلس النبي عليه الصلاة والسلام رغم انهم قعدوا مجموعات خاصة مع النبي. والا ازاي ده بقى اقرأهم؟ وازاي ده خد سبعين سورة؟ وازاي ده بقى اه عالم في القراءات - [00:05:31](#)

وازاي ده بقى افرادهم؟ وازاي ده بقى اعلمهم بالحلال والحرام؟ هو الجلسة العامة بتخرج كده لأ الجلسة العامة دي سوابت الدين عموميات الدين اصول الدين. انما اللي خرج كده جلسات خاصة. ومع ذلك لم يستغنى عن الدرس العام. لم يستغنى عن - [00:05:51](#) المجلس العام لم يستغنى عن الدرس الوعاظ العام بتاع دكتور عبد الرحمن الصاوي في الجمعية. لم يستغنى عن الدرس العام بتاع الشيخ احمد جلال في الصديق. لم يستغنى عن الدروس العامة الى ان مات - [00:06:07](#)

الدروس العامة دي ترابط الصف كله. ترابط الصف كله لو الموضوع بقى كل عشرين اخ في منطقتهم قفلوا على نفسمهم في مسجد المنطقة. واخوة البلد ما شافوش بعض في الدروس العامة بقينا عاملين زي ايه؟ عاملين زي كبد مرمي في حته وكل مرمية في حته وطحال مرمي في حته وفشه مرمية في حته - [00:06:17](#)

عارفين الفشة؟ اللي هي الايه؟ ايه؟ الفشة اللي هي ايه؟ الرئة ايوا ايوا كده ماشي ها بيبقى الفشة اللي هي الرئة. بيبقى انا كنت بقول ايه ياد اليوم ابدا. الدرس العام بنبقى جسم واحد. فيه كلية - [00:06:37](#)

في حته هنا وفي آآآ فشة عند الشيخ تامر وفيه عند آآآ دكتور عمرو في الفيومي مش عارف ايه وفيه في آآآ صفطاوي مش عارف ايه

اما بنتقابل مع بعض في حاجة عامة بقينا جسم واحد يا جماعة. نقدر نتكامل نقدر نقوم بما يقوم به الجسد. انما احنا الوقتي شوية

ايه - 00:06:57

شوية ايه؟ شوية شللينات شوية شللينات ما انتاش عارف تعمل حاجة. العلمانيين قاعدين يعني في برماج التوك شو تمانية  
وعشرين قناة توك شو ليل نهار هدم في ثوابت الدين. هدم في رموز الدين. عارف ترد عليهم - 00:07:17

ما انتش عارف عارف ليه؟ لانك حته شل. امتي هتبقى جنبيه محمد؟ امتي هتبقى متبين جنبيه محمد؟ انت هنا في المنطقة بقىتووا  
عشرة جنبيه مجمدة دلوقتي. تعرف تجيب حاجة تعرف تجيب سندوتشين بغل و حاجة ساقعة تعرف ايه حاجة. في الدرس العام بقى  
بقيتوا ورقة بمتين جنبيه. تعرف تعمل حاجة اكبر. فهمتوني يا اخواني - 00:07:36

بيقى لما اقول لك اقعد بيقى تبعد. القضية مش ان الدرس من سذاجة كثير من الاخوة انه يقول لك هو الدرس سخن ولا مش سخن؟  
الدرس يا ابني درس يا ابني انت مش عايش. يا ابن - 00:07:56

نتعلم كيف تجد وانت جاي عشان درس سخن. جميل جدا ان ربنا يرزقك موعظة. ربنا يهدي بها قلبك. وان شاء الله ما انتش هتخرج  
من غير رزق. ابدا ابدا ربنا هيجيب لك رزقك ويبعد لك رزقك ولو ارسل ولو لم يرسل على لسان الداعية هيرسله في قلبك بلا اسباب.  
لان ربنا شكور وانت اويت الى بيت الله - 00:08:06

انت جاي لربنا مش جاي لفلان وفلان. انما القضية ان انت لازم تعرف انت جاي ليه انت جاي لان عدم حضوركها لما الخلية تقول ده  
الجسم فيه الف مiliار خلية وانا ملوه تقوم نطة من الجسم. والخلية دي يا عم جسمي فيه الف مiliار خلايا وتقوم ناطة من الجسم.  
والخلية في الآخر بقى فيه جسم - 00:08:26

اهو انت خلية وانت خلية. هو انا خلية كلنا خلية. لما كل خلية بقت في حال سبيلها خربت. خربت بمعنى خربت اكبر  
مصيبة عندنا مصيبة عدم الاستمرار. ان الاخ ما يكملش خمس سنين التزام. لا انت - 00:08:45  
ايه ده في اخوة بقى لها خمستاشر سنة حببى خمستاشر سنة وبطيخة وجرنال وكرش وطالع من البيت نازل بيت. وانا عملت به ايه  
ده ولا كسبت منه ايه؟ ولا دين ربنا استفاد منه ايه - 00:09:05

انا مالى بقى صورة ملتزم ده! انا باكلمك التزام بحق و حقيقي. في اعتكاف رمضان تلاقيه في جهد عشر زي الحجة تلاقيه في النوازل  
والذين معه. كل نازلة النبي اتشتم. حصل مش عارف ايه. حصل نازلة. غزة احتاجت مش عارف ايه واليهود بيضربوها. آآزره في  
النوازل حي. هو ده الاخ الحي. ما سوى ذلك - 00:09:15

انت ميت ما ليش دعوة بقى يعني شكله ملتزم مش ملتزم ده واحد ميت. بقى عدم السبات وما فيش اخ بيستمر في ما فيش  
اخ بيستمر في الایه؟ في الالتزام - 00:09:35

الايجابي خمس سنين. الا نادر خمسة في المية ولا حاجة. وما فيش اخ بيستمر في الصغر في ثغر. عارف يعني ايه ثغر؟ يعني اخ  
ماسك صنائعي معروف. اخ ماorsk تحفیز اطفال - 00:09:45

المسجد. اخ ماorsk تربية اشبال. اخ ماorsk جولاته و كلمات مسجد. ما فيش اخ بيستمر في صغر سنتين. ده احنا في مصيبة يا اخواني  
انا بقول لك الكلام ده من باب قول الله فلما فصل طالوت بالجنود قال ان الله ايه؟ مبتليكم ده بيسموه علماء التربية فقه الایه؟ او  
بيسمو - 00:09:55

هيف الایه؟ فك التحسين. ان انا اعرفك خد بالك يا ابني من اللي جاي. يا ابني الدنيا مش كلها بمب كده يا فرحتي بك وانت قاعد  
حواليا الوقتي. ويا سلام - 00:10:15

الشيخ بيكلمنا عن اه عن ازاي بقى الدين والعبادة وحبيب قلبي وانا عارف ان انا بعتها سنين مش هشوفك. هتخطفك النداها. في  
مليون نداها بقى تاخذك زي ما خدت غيرك. زي ما انا في المسجد ده من كذا سنة كنت قاعد وكان غيركم خالص واكتر منكم. قاعدين  
هنفضل لحد امتي يا جماعة - 00:10:25

ما فيش حد راكيز. النبي عليه الصلاة والسلام ابو بكر معه واحد مكية. ابو بكر معه ثلاثة و سنتة ثلاثة وعشرين في السيرة. ابو بكر معه

سنة عشرة هجرية. واقف ما فيش حاجة اسمها فلان اصل جا له فلان وفلان اصله سافر. وفلان اصل هو يا عيني اتجوز جوازة وطلعت وحشة يا عيني وابتلي ومراته ورته النجوم في عز دوره يعني ايه - 00:10:45

نفسيا اتقفل كده بقى منه لنفسه. وفلان اصل والله مش فاضي شغل الدنيا يا عيني بيجرى وجري الوحش وما فيش حد آآآ ده لبخ ده نفاق هذا نفاق - 00:11:05

هذا النفاق يا اخوانى المفاهيم دي احنا لو ما اتربينااش عليها احنا بنلبح احنا قاعدين نشتغل وخلاص احنا عاملين زي ايه عارفين جحا لما قام جايب ساقية وساقية كبيرة كده - 00:11:19

وايه موصلها على الماء فالساقية تاخد من الماء والساقيه قاعدة تدور وعاملة صوت بشع. تاخد من البحر وتقوم مرجة البحر. فواحد بيقول له يا جحا حرام عليك انت عامل ساقية قاعدة تاخد من البحر وترجع البحر. المفروض تاخد من البحر وتدى في ارض. قال له يكفيني نعيرها. كفاية صوت النعير بتاعها كده جحا - 00:11:29

شغال يا جماعة احنا هنفضل نضحك على نفسنا ها الدعاة شغالين يا جماعة الدعاء قاعدين جلسة في صبر نصر من خمس سنين كان اخوه ومن تلات سنين كان اخوه والنهاردة اخوه وبعد سنتين اخوه ده لابد احنا بنلبح. انت يا ابني انت بتتحر. الكلام ده انا بقوله لك ليه؟ عشان تفهم - 00:11:49

اهم ان الثبات على طريق الدين عايز واحد فاهم ان الطريق مش سهل. عايز واحد فاهم قيمة الجنة. عايز واحد مستعد ان اي في حاجة تقطع عليه طريقه الى الله هو مكمل ومستمر. مش هيقطع علي طريقه الى الله حاجة. عايز واحد عارف قيمة الدرس العام. اللي بيحضر فيه الداعية ويقابل اخوانه ويسلم على ده - 00:12:07

عايز واحد عارف قيمة الجلسة الخاصة دي. دي جلسة خاصة. احنا في منطقة معينة وفي اخوه قاعدين في يعني جيران جنب بعض. الجلسة بتاعتكم دي وهي ديت دي صمام امان لحياتكم. انا بتكلم النهاردة يا جماعة عن نقطة جذور الصلاح والاصلاح في حياتنا. ازاى نعيش؟ قلت لكم ان المصيبة الاولى عندنا - 00:12:27

ايه؟ عالم الایه؟ عدم السبات. المصيبة الثانية ايه بقى؟ هو طبعا المشكلة ان لو الاولى اتحلت فضللت الثانية. الثانية عدم الایه عدم الترقي عدم الترقي. ان ما فيش حد النهاردة - 00:12:47

الاخ يعني ده احنا ده احنا بنحلم. بنحلم ان الاخ اللي بيحفز الاطفال في منطقة صبرى نصرها يعمل ايه؟ بعد سنة الاقيه بيعمل ايه قفص وبعد سنتين ايه وبعد ثلاثة وبعد خمسة وبعد سبعة ده احنا بنحلم. اللي بيكمel كم في المية - 00:13:06 زي بالزبط اللي كمل في طريق طلوط وجندو. ان الله مبتلك بنار شربوا منه الا قليلا ايه؟ منهم. كانوا سبعين الف واحد. سبعين الف دقق. سبعين الف ملتحي ومنقبة يملوا العين كده حاجة يعني ايه جيش ارهابي رايح يحرر فلسطين. طلعوا من النهر كم واحد؟ تلتمية واربعتاشر - 00:13:26

قعدت احسبها انا والباشمهندس ياسر ومش عارف مين انا مش متخيلا نسبة. هم قاعدين يحسبوها تلت في المية. وانا عايز بالعافية اجيبيها اربعة ونص في المية. يعني انا نفسي اضحك على نفسي وازود صفر بالنسبة وتطلع اربعة ونص في المية. في الاخر اكتشفنا انها تلت في المية. او نص في المية - 00:13:46

انت متخيلا نسبة سبات الاخوة على الطريق والباقي تسرب التزامي. وتسرب حركي. تسرب. فين يا جماعة اللي كان شغال في الاطفال يا اخوانا الاطفال موجودين والشغل موجود. الحاجة الوحيدة اللي بتتغير ايه؟ الباشا اللي قاعد في النص يعلمته. ده اللي ايه؟ الايام دول - 00:14:06

بالترقي بقى مصيبة عدم الترقي دي معناها ايه؟ انت عارفين يا جماعة لو الاخ صبر بتاع سبع سنين في تحفيز الاطفال ده بيقى ايه؟ اسمه في علم الادارة ايه؟ اسمه لبخ - 00:14:26

لبخ ليه؟ لأن الصح ان الاخ السنة دي بيحفظ. صح؟ السنة اللي بعدها بقى بيحفظ اطفال خمسة وستة ابتدائي بعد ما كان بيحفظوها تاني صح؟ في الدنيا بتزيد يا جماعة. هو انت لما بتروح اي مصلحة حكومية؟ اه فبتلاقي الموزف قاعد على الكرسي. بتروح بعد تلات

سنین بتلاقيه قاعد على نفس الكرسي بتلاقيه - 00:14:36

واحد تاني جه مكانه امال الموزف راح فين ؟ ده بقى المدير. لـ وبعد خمس سنین بتلاقيه ما هوش قاعد على الكرسي بقى ده هتلاقيه بقى مدير المصلحة كلها ليه ؟ اترقى. هو فيه حاجة اسمها ان انا هافضل في حته واحدة ؟ ده انا بترقى. والاخ الصغern الجديد هو -

00:14:56

يمسك التحفيز مكانی وانا هبقى ايه هبقى المدير بتاعه. صح ولا لا ؟ وبعد كده وهكذا بقى يترقى لغين ده حسب جهتنا في دعوة دین ربنا. ده ممكن تترقى لحد ما يمسك تحفيزات الاطفال في في محافظة كاملة. لحد ما ما بقى شايل القضية بقى كبير. قاعد يكبر. فالمحببة يا جماعة ان - 00:15:11

من الاخوة لا بتسيت ولا بتكبر. وتحدس الكلام بتاعي ده بيعقد. احسن حد منكم هو صايم يدعى علي ولا حاجة انا بفوقكم على الحياة. بفوقكم على الحقيقة عشان تواجهوا. انت عارفين انت عاملين زي ايه ؟ كلنا عاملين زي ايه ؟ عارفين - 00:15:31  
عارفين اب تعب مرض وابنه لسه في تالتة اعدادي ها فبقى والام محتاجة فلوس واخواته محتاجين فلوس. فبقى الولد اللي في تالتة اعدادي ده مضطرو انه يعمل ايه ؟ انه ينزل يشتغل. طب وهو صغير بس هو لازم يشيل المسؤولية. اهو - 00:15:51  
ده الواقع بتاعنا يا جماعة المسئولية كبيرة. وانت لازم تشيلوا مسئولية. ولازم تفهموا ولازم تخافوا على نفسكم لأن مش هتلاقي كل يوم واحد خايف عليك. للأسف الناس بتخاف على الدنيا. لو انت راح منك لو انت في الدراسة بتاعتك سكشن راح منك هتلاقي خمسمية واحد يقول لك يا ابني حرام عليك يا ابني الدين مش كده - 00:16:11  
يا ابني العمل عبادة يا ابني انما والله العزيم لو راح عليك الفجر سنة والله ما هتلاقي حد يقول لك انت بتعمل ايه. الدين رخص في الامة يا جماعة. فانت دین - 00:16:31

الدين ما عدش غالى عند الامة. فلما دينك هيروح ما حدش هيخاف عليك. لما دنيتك هتبأ تنزل هتلاقي فجأة ميكروفونات ماشية في الشارع الحقوا يا جماعة. فلان ما حضرش كذا. انا عايز اقول لك ان دينك لو انت ما خفتش عليه ما حدش هيخاف عليه. فانت لازم تاخد بالك من دينك ولازم تفهم ازاي تحافظ على دينك - 00:16:41  
لازم تفهم قيمة الجلسة اللي بتقعدها كل اسبوع ده ايه لازم تفهم قيمة الصلاة اللي كل فجر بتصلوه مع بعض او كل عشرة بيصلوه مع بعض وبيشوفوا وشوش بعض. ده الملمح الوحيد - 00:17:01

الجنة اللي موجود على وجه الارض اخوانك دول ما هو الجنة هتلاقي فيها شوية الرخام الجميل ده اهو ها ده الجنة طوبة ده يا ابو طوبة فضة وفيه دهب - 00:17:11  
خالص وفيه لؤلؤ خالص. وفيه ما لا تعلمون خالص. هي الجنة فيها السجاد ده. هي الجنة فيها المني والاسمنت ده. ما فيش حاجة من الدنيا دي بيجي لنا فيها المية - 00:17:21

يلي اللي كل سنتي تحطه تحت المرجوس تكون بتتصبح ربنا على الكائنات الدقيقة اللي مالاها. الجنة ما فيش فيها الكلام ده خالص. الجنة دي حاجة تانية خالص. الحاجة الوحيدة من الجنة اللي من الجنة موجودة في الدنيا اخوك اللي قاعد جنبك. امسك فيه. كلبش فيه. احنا بندعي ربنا في اخر سورة البقرة بنقول ايه - 00:17:31

وايه واغفر لنا وايه انت بعدك عن اخوك بيعضي العقو راح. هـ والتانية اغفر لنا لما اتنين بيتشاكلوا مع بعض كل اتنين وخميس بترفع الاعمال وربنا بيغفر لكل عبد اتنين - 00:17:51

ايه متشاحنين بيقى اغفر لنا راحت. بعد كده ارحمنا. النبي عليه الصلاة والسلام وهو بيموت. قال لهم اتوني اكتب لكم كتابا. هملي واحد كلام لن وبعد. الصحابة اختلفوا مع بعض النبي قال قوموا عنى. كان النبي ممكن يكتب كتاب ابن عباس بيقول في الرزية. كل الرزية ما صرف رسول الله عن - 00:18:14

يكتب هذا الكتاب. ايه اللي صرف النبي انه يكتب هذا الكتاب ؟ خلاف. وكان كتاب النبي بالنسبة لنا ايه ؟ رحمة. يعني العفو راح بسبب

الخلاف والمغفرة راح بسبب الخلاف والرحمة راعت بسبب الخلاف. يعني انت افضل لك ايه في دينك؟ بعد ما العفو والمغفرة والرحمة راحوا. فضل لك ايه في دينك؟ من غير اخوك - 00:18:34

فضلك ايه في دينك من غير اخوك؟ يعني انت لازم تفهم قيمة اخوك. ها ما تزعلش بقى وآآ دكتور حازم ده عمل لي بايه؟ بضهر ايدي الاستيكة على ضهر ايدي كده ونقل لي انت وحش يا ابني مخاصم طب خاصم طب والله ما عدت مكلمك شغل العيال ده يا ابني اخوك ده سروة عمرك - 00:18:54

كان يعني الله يرحمه كان لها اخت زمان اه اخت زمان وماتت الله يرحمها يعني. في يوم ما ماتت انا كنت لسه صغيرن كده فمش فاهم يعني ايه اخت مش فاهم يعني ايه اخ مش فاهم يعني ايه اذا فاما راضي السنين انا ما زعلتش عليها لما ماتت غير يعني زعل الاخ غلبته طبعا يعني ما احنا كلنا انا الزعل الزعل - 00:19:14

حل سنين بعد سنين. زعل على ابويا بعد ما مات ما يجييش واحد في الالاف من زعله على ابويا دلوقتي. ليه لان كل ما بكبر بعرف ايه انت ابويا. وانا صغير مش عارف قيمته. وانا صغير مش عارف قيمة اخويا. فانت كل ذلك فانت ما تستناش انك - 00:19:34 تخرس اخوك عشان تعرف قيمته ما تستناش انك تخرس الجلسة الایمانية اللي بتجمع القلوب على بعضها عشان تقدر قيمتها. ما بتجييش يا عم تصلي العشاء معنا ليه مش اتفقنا ان العشاء صلاة سابته؟ والله اصل انا العشاء بقى ايه؟ ما ليش مزاج اصلا - 00:19:52

عنه صداع. صلاة العشاء بيبقى ضافري بيوجعني. اصل انا العشاء بيبقى عندي يا ابني يا ابني دي سوابت حياتك حتى لا يصيبيك ما اصابك حتى لا يصيبيك ما اصاب الالاف من قبلك. وان كان وقد مكرروا مكررهم وعند الله مكررهم. وان كان مكررهم لتزول منه الایه؟ الجبل - 00:20:05

الجبل هنا ممكن تبقى الصحابة تزول. تزول يعني الاخوة دى تزول خالص. انا شفت جبال زادت. انا شفت حشود يوم ما التزمت من عشرين كان الواقع انت فكركم ان الاخوة كتروم هم زي ما هو نفس العدد يا ابني يلا. الناس مش راضية وهو نفس العدد - 00:20:26 هو نفس العدد هم نفس الخمسين اللي قاعدين في كل فسكيت. بس كل سنتين بيتغيروا لحد امته يا جماعة؟ لازم نفوق. الحل ان احنا نفوق ايه؟ ان حد يخاف على - 00:20:46

ان حد يفهم ان القعدة دي جنة ونار. القعدة دي مش سخونية شباب. القعدة دي مش حماس. القعدة دي مش قعدة حلوة وفي مسلا داعية بنحبه وجاي يتكلم القعدة دي جنة ونار. هتروح جهنم من غير صحبة صالحة. تزقك في طريقك لربنا. هتروح جهنم من غير حد يوجهك في طريق الدين - 00:20:56

دي سوابت اللي النبي ربى الصحابة عليها. ربى النبي ربى الصحابة على كده. عشان كده الصحابة ما كانواش بيحضروا جلسات النبي كده مجرد عواطف ده فكر. هو عارف هو بيعمل ايه؟ هم عارفين عشان كده بعد ما النبي عليه الصلاة والسلام عليه الصلاة والسلام مات كلهم عملوا ايه؟ كلهم عملوا نفس اللي النبي عمله. كل واحد راح بلد قعد في مسجد معين - 00:21:16 عمل فيه جلسة عمل فيه درس عام. عمل فيه نفس النبي عليه الصلاة والسلام عمله ليه؟ لانه عارف ان هو ده الطريق. آآ من ضمن الحاجات اللي احنا عايزين نتعلمها بقى - 00:21:36

ومن سوابت حياتنا ومن غيرها آآ آآ انت حياتك كلها بايظة. من غيرها حياتك كلها بايظة هتتحاول بقى هتتجيب هتتجيبها تجيئها كده هتعمل مش هتعمل هتفضل دايخ. وهتفضل حياتك بايظة وما انتاش عارف وقت العلم امته. طب وقت العبادة ازاي؟ طب اجمع ما بين الدعوة - 00:21:46

والاخواني ازاي؟ طب اعمل ايه؟ طب اشتغل صناعة المعروف ولا في آآ في موقع نت اسلامي ولا ولا اعمل لدين ربنا في الجولات والنزول للشباب في لكن ولا ادي كلمات مسجدية ولا اعمل ايه؟ عارفين يا جماعة راس حربة ظبط حياتك كلها هي ايه - 00:22:05 ها راس حرب الزبطة هتاكلي ايه؟ ورد العبادة السابت المقدس. اللي احنا سميئناها ايه يا دكتور محمد ايه؟ الحاجيم الحاء ميم. الحزب الجهاد المقدس الحزب الجهاد المقدس لما حد يمسك تقول له انا تبع ايه؟ حزب الجهاد المقدس. الحزب ده ها - 00:22:23

تبص هي تقول لك طب تعال يا حبيبي هنا اهو بقى اقعد مع الحزب الجهاد المقدس بتاعك. الحزب الجهادي المقدس ده ورد ده ده اسم ورد العبادة اللي انت لازم تعمله اللي ربنا قال عليه في القرآن اصبر على ما يقولون. واذكر عبدهنا داود ذا الايدي انه اواب -

00:22:53

ووهبنا لداود سليمان نعم العبد انه اواب.انا وجدناه صابرا نعم العبد انه اواب التلاتة في سورة واحدة تلات انباء داود وسليمان وايوب في سورة صاد ربنا زكر قصة بطولة تلات انباء. قصة -

افعال عظيمة وبطولة تلت انباء وعلل هذه البطولات بكلمة واحدة في قصة التلات انباء. لما قال اذكر كان داود ذا الايد الايدي دا لم يذكر في القرآن الا مرتين مرة مع قوة الله والسماء بنينها باي ومر مع داود كأن الله اعطى لداود -  
00:23:33  
من قوته وكأن داود كان يواجه الحياة بحول الله وقوته. اعبد البشر افضل قيام افضل صيام يأكل من عمل ايده ملك مربى داعية اوتي فصل القضاء ايه ده كل ده! منين يا رب! زي الايدي دي جابها منين! العزيمة المهولة دي جابها منين! النبي عليه الصلة والسلام  
كان اذا قام ايه لما -  
00:23:53

ام آآ من النوم عشان يقوم الليل. كان اذا قام ايه؟ ها؟ وتب. كان اذا قام وتب عليه الصلة والسلام. يعني مش الاخ بقى يقوم هو كده  
ايه ها الاخ يظبط لك ست منبهات بعد الموبايلات ما تطورت يظبط ست انوفات. يظبط منبه على الساعة اتنين عشان يقوم الليل -

00:24:13

ايه قيام السابقين وبعد كده اتنين ونص لو ما نفعتش. وبعد كده التلاتة لو ما جتشي وبعد كده التلاتة ونص لو ما نفعتشي وبعد كده اربعة وبعد كده دخل في الخطر فيبيقي اربعة -

00:24:33

او عشرة واربعة وتلت. وبقى كم منبه على الفجر بقى خلاص. ولو اخ عاقل قوي يقوم عامل كمان منبه على ايه؟ عليه الصلة والسلام قبل الشروق بعشر دقائق عشان بيقى برضو ايه لا الفجر ايه حاضر وفي الاخر بقى يعني لو الدنيا بازت بيقى في منبه بقى على معاد الكلية او لو معاد -  
00:24:43

شغل عشان الدنيا ما تباقاش ايه ما تباقاش راحة اتنين. طبعا كل المنبهات ديت بتروح الا منبه واحد بس. من غير منبه بيصحى والله.  
البيت كله. انت بتدرس يا ابني؟ ايوا انت -  
00:25:02

انت اكيد فكرتني يعني الحمد لله والشكر لله. احنا برضو تعينا اهالينا يا جماعة. احنا محتاجين بر والدين برضو يعني اللي الاخوة طريق اهاليها في الدراسة وحش. يعني تعبد لله ببر الوالدين. يعني تعبد لله ببر الوالدين في المذاكرة. انك انت بتبر امك وابوك.  
الشهادات ما عادتش بتقدم ولا بتتأخر -  
00:25:17

انما ايه؟ المهم يعني احنا كنا بنتكلم في ايه؟ احنا هنفضل نحو ده؟ الحزب الجهادي المقدس انت هتودينا في داهية. الاخوة اللي زاكرتها فانا كنت بتتكلم دلوقتي في حاجة مهمة جدا. اه طيب اوائل زي اليمين. زي الاي العزيمة الرهيبة دي جابها منين؟ الاخ ما هوش عارف -  
00:25:37

يقوم ليل وهو يقول لك انا تعban طول اليوم يا راجل. ده انا حضرت محاضرة بعد الظهر. ساعات الظهر وبعد كده رحت اتفديتوا كان اكل تقيل قوي كبس على نفسى بعد ما كلت. تعبت قوي في الاكل ده. وبعد كده نزلت حضرت درس. حضرت شفت بقى ورحت يا عيني تعبت عن مراتي -  
00:25:57

التاكسي كان اتهز في الطريق كده كذا هزة كده فهی دبت ودخت. وبعد التاكسي جيت بعد الدرس قعدت على الفيسبوك شوية واحد قرفني وقعد يجادل وانا اجادل فيه تعبت جدا فلما نمت نمت مش قادر وشاييف قدامي. فما عرفتش اصحى لقيام الليل. سيدنا داود كان بيرجع من jihad -  
00:26:17

ذا الايد يقوم قيام الليل ذا الايد ورجل سار عن فراشه وبطائه الناس كلها مقتولة من التعب في القتال وده واقف يصلي لله سبحانه وتعالى دول الرجاله. ده اللي هيتجاب زي الايدي دي منين يا رب؟ انه اواب. لولا الاوبة بتاعة سيدنا داود ما كانش جاب العزيمة دي

00:26:36

ايه ايه الاواب؟ اواب يا جماعة يعني الاواب دي في اللغة من اخص الالفاظ في اللغة لفز الاول. يعني التأويب ان تسير الابل من الفجر الى الغروب بلا توقف. الجهد الرهيب المستمر. التأويل التنافس. لما القافلة تقوم يلا نجري ونشوف مين هيسبق - 00:26:56 - مسابقة روح منافسة القالية الابل اذا ابى الى الماء معناها ان كل ليلة لازم تروح تشرب من الماء. ولا تموت العطش وباللي كل يوم له ورد عبادة. لو حصل زلزال ورد العبادة ما يروحش - 00:27:16

لو وهو قاعد كده واحد جه مسلا بودر عبادة من العصر للمغرب. جه واحد قال الحق الحق يا فلان قال له ايه؟ قال له ده في حته عروسة زي القمر. ها والحق تعال اتقدم لها الوقت - 00:27:32

والله لو جابوا لك لو الحور العين نزلت من جنبها. انا ما نايم من مكاني. مش لو عروسة حلوة في الدنيا. لو الحور العين نزلت من الجنة انا مش قابل مكانى - 00:27:42

ورد مقدس الورد بتاعك يسعى امتي بعد الفجر للضحى قعدته النهاردة اهو ده الفهم انتم عارفين انتم عايزين ايه؟ شارب يا عم الشيخ الشغالانة اللي احنا شغالينها دي شغالينها ليه؟ شف شغالانة اسر يا عم. جميل جدا. اللي قاله محمد ده هو كلمة جميلة جدا يا جماعة. سبحان الله عشان ربنا - 00:27:51

ده الفرق بين اللي عنده ورد وبين الایه اللي ما عنده ورد وبين الایه؟ وبين الاواب هو ده الفرق بقى. انا وردي جلسة النهاردة لا والله ليه اصل كان عندي كلية الصبح. طب امبارح لا والله راحت علي نومة. طب اول امبارح لا والله اول امبارح كان آآ وراه مزاكرة فكنت مضطرا اصلي الفجر واطلع اطير - 00:28:19

طب اول اوله لا لا للازى امال حضرتك بتعمل ايه لا هو يعني انا ان شاء الله لما بقعد بقعد انا لما بعد بعد ده ورد ده اسمه ورد - 00:28:46

اما يجي رمضان بقى يشد فيه. اما يجي عشر زي الحجة يشد فيه. كده بقى ده اسمه ورد. يوم فاضي ونایم كوييس وما عنده ورد صداع. وواكل وشعبان وما فيش حاجة شاغلاه - 00:28:56

وما فيش حاجة مضائقه ونفسيته حلوة. والاخوة جت في اليوم ده وقعدت يقوم يعمل ايه؟ يقوم يقعدوا. لو طوافت كل الشروط الاكبر تسعه الاف واتنين دي يبقى ده الورد. انما - 00:29:06

اللي لو السما نزلت على الارض مش هيسيب الورد بتاعه او ده معنى انه او اب. عشان كده ربنا جابها يعني حزب جهادي مقدس دي اواب مع سيدنا داود افادت معنى. واواب مع سليمان افادت معنا - 00:29:16

مع ايوب افادت معنا مع سليمان بقى ربنا يقول ووهبنا لداود سليمان. نعم العبد انه ايه؟ اواب انه نعم العبد انه ايه يبقى النشان اللي انت هتكسبه لو انت حافظت على ورد عبادة ثابت مقدس. ايه؟ انك تبقى نعمة العبد عند الله سبحانه وتعالى. فربنا جاب - 00:29:32 - بقى نموذج لورد سيدنا سليمان. اذ عرض عليه بالعشية صفاتة الجهة. العشيق ده وقت الورد. اه. بتاعه بيقعد من العصر للمغرب يسبح ربنا. سبحانه وتعالى. فوقت القرد ده عرض عليه عشرين الف فرس. ها فشغل عن الذكر بهم. شف بقى الاواب الفرق بين اللي عنده ورد والاواب. اللي عنده ورد انا رايح الاقي - 00:29:52

النهاردة زعلان خلاص مش مشكلة. الاواب دي مصيبة في الحياة. ده ما فيش حاجة اسمها حاجة تشغلى. انا مشغول انا مأزوم الفترة ديت صعبة اصل عندي مشاغل اصل انا ما نمتش كوييس ما فيش الكلام ده. الاواب يا جماعة اللي هو بياخد نيشان نعم العبد ده اللي عنده وقت في اليوم ولو ساعة مسلا - 00:30:12

من المغرب للعشاء لان انت عنده قيام الليل ينفع عندك من المغرب للعشاء ينفع؟ عندك من العصر للمغرب ينفع؟ عندك جلسة الدعاء هتنفع. عندك جلسة التهجير قبل الضهر تنفع. سيدنا سليمان اذا - 00:30:32

عليه بالعشي بالعشي الصافات الجياد فقال اني احبيت حب الخير عن ذكر ربى. سيدنا سليمان صادق مع نفسه. فقال اني احبيت انتم ايه؟ حب سيدنا سليمان صادق. سيدنا سليمان قال اللي انا عملته ده ده حب. ده تعلق قلبي بحاجة تانية. سيدنا سليمان ده الصدق بتاع - 00:30:42

الواصلين دول اللي بيصلوا. ده ده فقه الانبياء انه يقف مع نفسه ويصدق. ما يقعدش ينكر الامراض اللي جواه. ده واجه نفسه اني انت مش احبيتم الخير احبيت حبا. ده حب. ده قلبي يجب الا يحب الا الله. ازاي ان انا حبي لعشرين الف فرس - 00:31:02 في غاية الجمال جياد بقى اجود ما تكون والعروض الجميلة اللي بتعملها. ازاي تشغلني عن حب الله حب الله لازم يكون اعظم في قلبي من اي حاجة. اني احبيت حب الخير - 00:31:22

ذكر ربي حتى تورت بالحجاب ردوها علي خد قرار هاتوها. الملتم اللي ما بيأخذش قرارات في حياته مش هيعرف يتقدم. خد قرار ردوها علي كفاية فورا مش بيقعد بقى ايه انت عارف ان الفجر عندك بايز ما تقعدش بقى تسيب القصة ما تسيبش نفسك. ما تسيبش نفسك لحد ما تبقى من اهل قول الله فطال عليهم الامد - 00:31:32

فوقت قلوبهم بخلاص. سايب مشكلة الفجر وما يهمكش انك بتصليه. هتفاجئ انك بعد كده آآ عاد بيروح عليك ما هو اكتر من هذا وانت مش اصل يا جماعة هو سلم. اللي بينزل هينزل هينزل. يعني اللي مش هيقف مع نفسه ردوها عليه فطفق مسحا - 00:31:52 مسحها من حياته اما بالذبح واما بان وسمها ووهبها للجهاد في سبيل الله. فطفق مسحا بالسوق والاعناق الحاجتين اللي شدوا عينيه. ساقها الجميلة آآ سقى الجميلة اللي بتعمل بها العروض بترفع رجليها وتقف على رجل تانية ورقبتها الجميلة اللي كلها الشعر بقى رقبة الخيل بقى وهي بتجري والشعر بيطير كده وراء رقبتها حاجتين - 00:32:09

اللي خطفوا قلبه طفق مسحا بالسوق والاعناق. ولقد فتنا سليمان. يعني اووعي تفكير انك انت هتعدي كده من غير امتحانات الامتحانات جاية والقينا على كرسيه جسدا. انك انت تبني العمل وبعد كده تلاقي غيرك مسكه - 00:32:31

وانك انت تشتغل في الدعوة وبعد كده ينسب الفضل لغيرك. ربنا بيظهر قلوب اولياوه من كل ما سوى الله. ثم انا قال رب اللي وهب لي ملكا لا ينبغي لاحد من بعدي. هو كان عايز ملك ما فيش حد يؤتاه غيره ليه - 00:32:48

كان عايز امكانيات لا يؤتها بشر بعده ليه حد عارف ليه؟ عشان يجاهد في سبيل الله جهاد لم يجاهدوا في سبيل الله بشر. انت عارف يا رب اديني فلوس ما فيش - 00:33:05

مخلوق ليوم القيمة يؤتى مسلها. ليه؟ عشان اطلعها كلها صدقة يبقى ما حدش تصدق في سبilk زي في التاريخ. شف حب سليمان لله وصلوا لدرجة ايه ها وفسخنا له الريح تجري بامره رخاء حيث اصاب. سخنا - 00:33:18

فلو الريح اه ضحى بالخيل ربنا ادي له ايه؟ الريح رخاء حيث اصاب دي الريح بتاعة سورة ايه؟ صاد. انما في سورة الانبياء ربنا وصف الريح بتاع سيدنا وصف تاني. قال ولسليمان الريح ايه؟ لا هو شهر ورعاه شهر سورة سبأ. سورة الانبياء بقى سورة العبادة انت بتتكلم عن عبادة - 00:33:38

ولسليمان الريحة عاصفة تجري بامره الى الارض التي باركنا فيها اللي هي القدس. وكنا بكل شيء عالمين. يبقى الريح بتاعة سورة صاد ربنا وصفها انها رخاء يعني آآ يعني بتعبر بعض الاخوة زي ايه؟ عارفين العربيات الجديدة قوي. عارفين العربية اللي هي ايه يطلعوا منها كرسي ويأخذ الرجل من برة العربية ويقوم يدخله - 00:34:00

جوة طالع له ها تقربيا البي ام الجديدة حاجة كده يعني. ها عارفين انت القصة ديت فواحد صاحبي كان عنده عربية مش عارف اسمها ايه كده ها تقربيا يعني فيبيقول لي العربية دي تمشي على سرعة مية وسبعين كيلو انت مش حاسس انك ماشي على سوريا ستين كيلو. اهي دي رخاء. ان قمة السرعة وما فيش اي اهتزاز - 00:34:23

ها امال عاصفة يعني ايه؟ عاصفة. سمعتم عن كلمة العاصفة؟ عاصفة. طب ايه الفرق بين ريح صورة صاد وريح صورة ريح صورة صاد فسخنا له الريح تجري بامره رخاء ايه؟ حيس اصاب يعني ايه - 00:34:43

في مشاوير jihad وهو طالع من فلسطين رايج يجاهد في سبيل الله. رايج ينشر الدعوة خدتو بالكم؟ وكل افعاله اصابة وصواب. انما الريح بتاع سورة الانبياء العكس. ولسليمان الريح تجري ولسليمان الريح عاصفة تجري - 00:35:03

بامره الى الاه الى الارض التي باركنا فيها اللي هي فلسطين. يبقى الريح وهو راجع من الجهات لفلسطين. يبقى رحمة صاد وهو طالع من فلسطين لايه؟ يجاهد. انما ريح سورة الانبياء - 00:35:20

وهو راجع من الجهاد لفين؟ لفلسطين. فالريح الاولانية رخاء ومنطلق في الجهادها بدون ما يحس بتعب وبدون مجهد انما الريح  
اللي هي راجعة للارض المقدسة دي شوق سليمان للارض المقدسة سليمان رحمة عاصفة وهو - 00:35:33  
فاجع عايز يرجع في عاصفة عشان يرجع لفلسطين بسرعة. عشان يرجع للقدس اللي احنا مفترضين فيها بسرعة. عشان يرجع للقدس  
اللي الوقتي الاعلام بتاعنا ماسك المجاهدين بتوعها ها شتيمة وبهذلة رغم ان دول اللي مرابطين على التغر. بسرعة شوفوا الشوق  
بتاعه للارض المقدسة. شف الشوق بتاعه لفلسطين. شف الشوق بتاعه - 00:35:53

للارض التي بارك الله فيها للعالمين. غير ان ان سليمان الريح عاصفة لأن الريح نفسها رايحة سليمان عاصفة. الريح نفسها بتتجبه.  
سيدنا سليمان حب فكل حاجة حبته كل حاجة اقبلت عليه. فسيدنا سليمان معنى كلمة اواب لما عشرين الف خيل لو الخيل منهم  
بميت الف جنيه مش بـ 00:36:13

يبقى احنا بنتكلم في كام؟ اتنين ملليار؟ احنا بنتكلم في حاجة رهيبة ومع ذلك ضحى بها الله. ليه؟ لانها عطلته عن ايه؟ جلسة واحدة  
يا عم الشيخ عطلته عن ايه - 00:36:35

جلسة ضحى واحدة. ده الاواب بقى. ده الفرق اللي له ورد والاواب. عشان كده سيدنا ايوب بقى ربنا بيحكي لك وصف صبر ايوب  
اللي لا يصبر ما فيش حد هيبيتلى الابتلاء ايوب. سليمان اية في الرخاء لن يؤتها بشر بعده. وايوب اية في الضراء لن يبيتلى به بشر  
بعد - 00:36:47

يعني لا حد هيأخذ اللي خده سليمان ولا حد هيؤخذ منه اللي اخذ من ايوب. سليمان نموذج اللي ربنا ادى له كل حاجة ايوب نموذج  
للي ربنا خد منه كل حاجة. ده ربنا ابتلاه بده وده ربنا ابتلاه بده. والاثنين كانوا قمة في حب الله وآية في حب الله. فالاثنين ما فيش.  
ايوب رغم - 00:37:07

في كل المرض اللي فيه والالم اللي فيه والابتلاء اللي فيه وموت كل ولاده وحرق كل ارضه وموت كل اغنامه ومواشيه. حاجة يعني  
سبحان الله العزيم ابتلاء يعني ابتلاء مهول. سيدنا ايوب ربنا بيقول في الآخر انا وجدناه صابرا. انا وجدناه ايه؟ نيشان ما -  
00:37:27

قل مين فينا اللي ياخد النيشان ده؟ مين فينا اللي يصبر على قيام الليل كده ويصبر على العبادة؟ يصبر على اخوانه وقرفهم وغلاسة  
ده وغتاتة ده ومش عارف ايه اصبر على الدعوة رغم المشاكل اللي فيها ويصبر على طلب علم رغم المشاكل اللي فيه. ويصبر على  
ويصبر على ده وفي الآخر انا وجدناه صابرا نعم العبد - 00:37:47

يا رب جاب الصبر ده منين صبر ايوب ده جابه منين؟ انه ايه ورد اوراد العبادة بتاعته اللي لو كان تركها اللي يتركها ما يقدرش يكمل.  
ما يقدرش يواصل. فمعنى انه اواب ده يا جماعة المعنى اللي احنا عايزين نوصل له بقى. في الآخر الكلمة اللي قالها ابن - 00:38:07  
ابن تيمية عن الاولبة بتاعته. سيدنا ابن تيمية رحمة الله كان الورد الاساسي بتاعه ايه؟ حد عارف؟ الورد المشهور به قوي كان ايه؟  
جلسة ضحى زي محمد بفضل الله يعني انا ايه كانت جلسة الضحى. جلسة الضحى بتاعته كانت بتخلص حوالي الساعة عشرة الصبح  
كده. يعني ما كانش بيقعد - 00:38:28

بعض في الساعة وايه حداشر دقة قم يا عم الشيخ طب كمان اصبر دقيقتين الله اكبر. ابن عاصم قال حداشر دقة خلاص  
يبقى حداشر دقة. ها يبقى جلسة دعاء كان بيخلصها تسعه عشرة الصبح. آآ وكان حد عارف كان بيعمل ايه في جلسة الضحى؟  
بيذكر بس. كان بيعمل حاجة واحدة - 00:38:48

قصة درس الضحى. من الفجر لتسعة الصبح او عشرة الصبح. حد عارف ايه؟ حاجة واحدة بس. يقرأ الفاتحة. يقعد يقرأ الفاتحة من  
الفجر لحد الساعة تسعه بس دي كانت الورد الایه ورد الاستفنا في الحياة بتاع ابن تيمية. وكان يقول شف بقى الكلمة اللي انا  
عايزين بقى نخرج بها - 00:39:08

به غدوتي. فان لم اتفدها سقطت قوتي عرفت قيمة الورد السابعة انك لما ما تقدرش الورد السابعة ما تبقاش اواب. ما تحافظش على  
الحزب الجهاد المقدس بتاعك. حزب الورد بس بلفظ السنة. يعني ده اسمه الورد يعني. يعني الورد الجهادي يعني زي سيدنا داود من

قوة قلبه في التسبيح الجبال سبحت معه. ده مش قاعد آا - 00:39:28

بيتاوب ويبص في الساعة ومستني ميعاد جلسة ضحى يخلص امتى؟ مش قاعد يقوم الليل وايه قاعد يعمل راسه كده وقاعد يبص في الساعة القيامة يخلص امتى؟ ده بيجاحد انت في معركة ده مصحصح - 00:39:55

كل ذرة في قلبه في قمة اليقظة. والمقدس يبقى جبنة معنى انها حزب سابت لا ينقطع من مين في الصورة الاستمرار جبناه من مين احنا انه ورد سابت ما بيقطعش ولا مرة جبناه من واحد. وان هو مقدم - 00:40:08

بس مهما حصل لا يصرف عنه جبناه من واحد. وانه جهادي جبناه من داود. من جهاده في الذكر الجبال والترسفة بتاعت معه. ما كانش قاعد آا مش كده مش جلسة جحا - 00:40:29

زي ما كنا بنقول ده جلسة ضحى بحق وحقيقي. وان هو مقدس جبناها من سليمان. لما عشرين الف خلع طلته مسحها من حياته. طفق مسحا مسحها من مقدس ما فيش حاجة اسمها جا لي فرصة اصل مش عارف ايه اصل فلان عايزني اصل فلان لو اتصل بي ولا تفتح محمولك فيها اصلا. ولا تبص في محمولك فيها اصلا. مقدس - 00:40:46

وجبنا معنى الاستمرار من صبر ايوب كان هيصبر تمنتاشر سنة عن المرض ده ازي؟ لولا ان هو بيقعدها كل يوم. ان هو ورد سابت. فاحنا عايزين زين الوير بصوا بقى يا جماعة الساعة اللي انا بكلمكم عنها ديت انا كلمتكم النهاردة عن قيمة تلات حاجات. وكلمتكم عن مصيبيين - 00:41:08

تلات حاجات. اول حاجة ايه؟ قيمة الدرس العام. قيمة حضورك ايه؟ وقلت لك ان الدرس العام ده اللي بيخللي كل الناس اللي عايزه توصل لربنا بقوا جسده واحد وانك لو ما حضرت الشهاده انت خلية نطرت من الجسم. وفاكر ان الجسم مليان الف مليار خلية تانية. وفي النهاية مصيبة - 00:41:28

في النهاية احنا بنخربها على الدوا بتاعتتنا. امتى الدرس العام؟ وان الصحابة قعدوا في الدرس العام بتاع النبي لآخر يوم. قعد فيه النبي عليه الصلاة والسلام. مش معنى انك ما تكبرش على الدرس العادي - 00:41:48

لو بكرة بقى خطيب جماعة الشيخ محمد يعقوب كان يوصينا. يقول تلات خطب تطلع منبر وخطبة تحضر لحد. الخطبة اللي فاتت كنا كلنا فين؟ عند الشيخ مصطفى العدوى ها ديمما الشرعية انك تحضر ما تعمليش فيهاشيخ - 00:41:58  
ها مش ده يقول لك ياشيخ وده يقول لك ياشيخ تصدق نفسك فيها. ما فيش لازم الى ان تموت تحضر وتسمع و تستفيد. مش كل اخ خلص لي كتبيين في العقيدة عمل لي فيهاشيخ. وكبر على انه يسمع ده مصيبة. يبقى ازا قيمة حضور الدرس العام. لأ اصل انا عايز جلسة خاصة. الشيخ يعمل ايه - 00:42:14

هنا جلسة خاصة عشان انت عارف ان الایه؟ ليه يا حبيبي جلسة خاصة؟ طلب الخصوصية في في التربية ده من امراض ده يدل ان الاخ ده مريض اصلا. انا اختارك - 00:42:34

جلسة خاصة انما انت ما بتطلبش جلسة خاصة. انا ارشحك لجلسة خاصة. زي ما النبي عليه الصلاة والسلام كده قاعد في الجلسة العامة. بعد كده يلاقي معاز عبقرى في العلم. اه - 00:42:44

ده ادي له فقه الحال والحرام. يلاقي زيد ابن ثابت عبقرى في المواريس هاته ده. ادي له الفرائض. يلاقي ابي ابن كعب عبقرى في القراءة القراءة القرآن ولقطة التشكيل والبتابع هات ده علمه. النبي هو اللي بيختار - 00:42:54

انما واللي اختاره يفضل يحضر في الدرس العام. يبقى الدرس العام ده علامه سالمة قلبك. قال تعالى واركعوا مع الركعين انت عايز تبقى وخاص عن الناس ليه؟ عايز تبقو تصدقوا بالله الكلام اللي بيترقال في الدروس العامة اخطر مليون مرة من الكلام اللي بيترقال في الدروس الخاصة. ليه؟ حد عارف ليه - 00:43:10

محضر احسن ماشي ده بقى يعني ايه لو نزرنا بعين الشرع انما لو نزرنا بعين القدر حبيبي ان الدرس العام رزقه اوسع من هو رزق خمسينية زي رزق خمسين؟ فيه فتح من ربنا؟ فيه كرم من ربنا عشان الجماعة - 00:43:31

ويشهد دعوة المسلمين ممكنا واحد شاب جديدا داخل مكسور قلبه عشان كسرة قلبي دهو اللي لسه جاي من معصية جديدة دهو ربنا

يفتح فتح في الواظ هو نفسه مش عارف هو بيقول الكلام ده ازاي. يا ابني ده رزق ده. يشهد دعوة المسلمين. ده بركة بقى بركة الجماعة بقى. آوى الى الله فاوى - 00:43:51

الله! ده الدرس بتاع النبي عليه الصلاة والسلام في المجلس العام. ده ايواه ده معسكرات الايواء الربانية. انما اللي ما رضاش يحضر الدرس العام النبي عليه الصلاة والسلام قال عليه ايه؟ واما السالس - 00:44:13

رد فاعرض الله عنه مش لعبة انا عايز اقول لكم يا جماعة ان التلات حاجات اللي انا باقول لكم النهاردة دول دول مش حماس شباب. مش لانك لسة طالب فاضي - 00:44:23

مش لانك اليومين دول زروفك مريحة يا ابني دي جنة ونار هتهلك لو ما عملتهمش. رقم واحد درس العام. رقم اتنين ها اللي انا قلت لكم عليه النهاردة يا نهار اسود ومنيل بستين نيلة. ايوة اللي هو ايه يعني الجلسة السابعة - 00:44:35

الجلسة السابعة اللي بقول لكم الشيطان قاعد دلوقتي يبص عليكم كده ويقول يا ترى مين في دول نقطة الضعف اللي هفشكل التجمع ده من خاللهم عصام اجتماع قوم كل ما يجي كلمة اجتماع بيحصل فتح الا نزلت الساكنة غاشيthem الرحمة حاشيthem ايده ده عشان كلمة اجتماع - 00:44:54

الجماعة رحمة والفرقة عزاب. كلمة اجتماع اول ما بتيجي بيجي فتح بعدها على طول. على طول بيجي فتح. فانت الوقتي الشيطان عايز يعرف مين في دول اللي ايه؟ اللي ممكن يعمل منكش - 00:45:15

اللي ممكن يقلب مدخله فيقوم بحط شوكة في زور المنطقة بسببه ها يقعد بقى يشتم في الناس ويتعبد لله بشتم العاملين لدين الله. مين فيهم اللي ممكن يايه يعمل خلافات ما بين الناس وبعضاها وفتنه ما بين الناس وبعضاها. هو الشيطان قاعد يدور. قاعد ينقى. ما هو ربنا بيصطف - 00:45:27

والشيطان قاعد يختار بقى له جنوده. ربنا بيصطف في جندي له والشيطان بيختار جندي له. مين اللي ينفع هنا ابوظ الليلة دي بسببه؟ فالجلسة السابعة البنية الأساسية للاصلاح اللي انت خروجك عنها انت لا تتخيل انت بتعمل في نفسك ايه انما يأكل الذئب من الغنم القاسية. انت بتنهلك نفسك يا ابني - 00:45:47

انزل اكتر ما تتصور ما انتاش عارف انت هتوصل لايه الجلسة السابعة كل منطقة لازم يبقى لها جلسة سابعة كل اخوة قرية لازم يوم جلسة سابعة كل اخوة كلية لازم لهم - 00:46:08

اكتسبت كل اخوة موقع نت اسلامي لازم نقول جلسة سابعة كل اخوة جمعية خيرية ناس ملتزمة لازم يقولوا جلسة سابعة لازم يا ابني لازم يا ابني الصالحين شوفوا بعض لازم اصل انا مشغول اصل انا والله عندي مرة اخ كنا قاعدين قاعدة كده كانوا ناس عاملين رابطة رابطة يعني رابطة خيرية و حاجات كده - 00:46:18

يعني ايه كنت رايح مرة كده يعني ايه قاعد معهم قعدة باشجعهم يعني. فواحد منهم اتفقنا ان هو هيمسك ايه آزي صنائع المعروف يعني ايه الناس اللي محتاجة ايه اللي اصيي بشلل؟ ايه اللي اصيي بحاجة يروح بقى ايه يحاول يوصل له معوناته كده. فيبيقول لي في اخر الجلسة انا ما عنديش وقت. فانا ما لا يسعني غير اني اعمل حاجة واحدة بس - 00:46:38

انا هشوف المكروبين ها ومش هاجي الجلسة بتاعة الایه الرابطة اللي هو فيها. قلت له لو ما عنديكش غير وقت لحاجة واحدة بس سب المكروبين واحضر الجلسة. عارفين ليه؟ لان - 00:46:58

لما ساب الجلسة وراح للمكروبين بعد شهور ساب الجلسة وساب الميكروب. انا مش بقول كده عشان قلبي قاسي على على الفقرا اه انا بقول كده لان عارف ان هو لو ما قعدش يتشنح وسط اخوانه يضيع. وهيجي له مرض الكبر. قعدتك واستغوارك دي حماية من - 00:47:10

الله لك حماية وترقية والجلسة تبقى عشرا عشرا. كل مرة ناخذ عشر ايام ونزيد فهم القرآن. ونحاسب نفسنا على الاعمال اللي عملناها طول الأسبوع. ونتناقش في شكل بعض ونشوف الدعوة في المنطقة ازاي نعرف كل شاب في المنطقة طريق ربنا وننزل في كل قهوة في المنطقة. امبارح نزلنا جولة فضل ومنه الله سبحانه وتعالى حاجة يعني الواحد - 00:47:30

لحد دلوقتي الواحد طاير. رحنا كحلاة ورحنا القهوة اللي هي جنب آآ اللي هي جنب ولاد الشال دي اسمها ايه؟ ودخلني جلاء بقى على  
قهوة الينا ولا اسمها مش عارف ايه ولفينا وعرفنا مين اللي شغال ومين اللي بيتدلع. عرفنا مين اللي شغله يدلع لما تروح قهوة تلاقي  
مسلا - 00:47:50

الأخ محمد مثلاً ولا حاجة - 00:48:10

قول طلع صوتك بس كده الحزب الجهادي المقدس ورد العبادة السابت المقدس كل واحد منكم دلوقتي يحدد ايه الوقت اللي عدم جلوسه فيه بيق، هو مات. يا حلسة الضحى، وتقى حاجة حقيقة. يا قيام الليل بعد - 00:48:40

عشرا وقبل الفجر حسب ترتيب وقتك. يا من العصر للمغرب. لازم تبقى جلسة حلوة مش لعنة. حاجة حلوة كده. تقدعد امتى؟ جلسة 15  
برضه تقدعد امتى؟ دكتور محمد بنقدعد امتى؟ بعد العشاء؟ بعد العشاء في، قيام الليا، يعني، بعد العشاء - 00:49:00

كيان قوة على العبادة وعلى الطاعة. وانت قاعد في الذكر وفي القرآن ربنا يرتب لك حياتك. دومك هيترتب. صحيانك هيترتب.

ابني دي جلسة الكيس - 00:49:40 | حصورك الدروس هيترتب. هتخرج الحياة مقبل على الدعوه. مقبل على العبادة. مقبل على علم. مقبل على شؤون دنياك نفسها. يا

الشيطان جه يشكك في دينك وانت بتموت - 00:50:00

مش الامام الغزالى بيقول لك من الناس من يقينه راسخ ومنهم من اذا شك شكه. فتنة الممات ده تشكيك في العقيدة. انت جاهز للموت بيقين انت جاهز. انك انت لو اتقاوا الوقت بيا رحالة فلسطين: هنطلع نجاهد في سبيل الله. انت جاهز انك تطلع والا -

00:50:20

انت عندك اليقين انك تجاهد. يا ابني انت مش جاهز خالص انا تقابل ربنا خالص. انت مش واحد بالك خالص. الوقت ده هو ده الوقت اللي هترزق فيه اليقين والايام الصادق والاخلاص والصدق والعزم والنور الوقفة خرج على قومه على جاي من فوق - 00:50:40  
فوق من علو انسان منور ونازل ينور حياة الناس. ده ميزة الورد الایه ؟ الثابت. ميزة الورد الایه ؟ الثابت يبقى ده تالت حاجة اتكلمنا عنها النهاردة الورد الثابت. الورد بتاعك امتي يا عم الشيخ ؟ بعد العشاء يعني ايه بعد العشاء ؟ قبل ما تناوم ازاي يعني - 00:51:00  
يعني بيبقى ساعة ونص مسلا ما هو يا جماعة ما هو الورد ده يعني يعني ده ساعة يعني من المغرب للعشاء ماشي يا عم. 00:51:20  
ده اخرك. ده اقا، شيء يا جماعة انت بتتكلم في، ايه ؟ هو انا -

جبت ازاذه ازاذه شرب - 00:51:40

ترکیز میة ستة وخمسين ملي. دي بتاعة الرضع اللي عندهم شهرين. انت يا ابني انت تجيip آآ حقنة فلوموکس تركیز الف. حقنة کده ده يا ولید ده اللي ينفع معک مسلا يعني. فانت ازاوة شرب دي للرضع. فبالذیط کده اقول لك ورد انا عندي ورد ایه؟ انا بذكر ربنا ربع ساعه قبل ما انام - 00:52:00

يا ابني ده عمل صالح. ده لا تحقرن من المعروف شيئاً. ده عمل صالح. الورد ده حاجة كده لا طقوس. حاجة كده اقعد و معك مصحف

ومعك كتيب الدعاء بتاعك ومعك كتيب الازكار بتاعك. زي مختصر النصيحة للدكتور محمد اسماعيل وقاعد مرقد لنفسك. قاعد بقى

شف - 00:52:20

انا ولا انت ؟ انا بقى ولا نفسي. قاعد بقى اشوف الشيطان ده اخرته معه ايه. قاعد بقى شف انا هموت لما اموت هاستعد لما بعد الموت ازاي قاعد بقى شف انا هفضل آآ انام الساعة اتنين بالليل اصحى العصر لحد امتي ؟ امتي ؟ لحد امتي افضل من غير عزيمة ؟ قاعد بقى

شف - 00:52:40

دي احاسبها ازاي ورايحة منين وجایة فين ؟ قاعد بقى شف لحد امتي هافضل كده. قاعد بتاخذ قرارات ورد بتعبد ربنا وربنا بينور لك طريقك تخرج منه احضر دروس واحفظ قرآن. بتخرج منه كانك التزمت لسه من اول وجديد النهاردة. بالزيط. الشحن اللي بتتشحنوا فيه كانك لسة ملتزم - 00:53:00

فما تقوليش قبل ما انام قبل ما ده يا جماعة مش اسمه ورد ده عمل صالح. ازكار النوم قبل ما انام بقرأ ورد القرآن قبل ما انام الورد ده امتي ؟ الورد ده امتي عندك - 00:53:20

المفروض بعد الفجر ما احنا عايزين امتي بين اللي هيبيقى طلقة واللي هيقضىها فلاشات رجل قدامه رجل ورا ، هو ده الفرق ؟ ساعة ما هيتفقل عليك باب بيتك. هتقوم مجرش ولا هتقوم وتنصب قدميك لله - 00:53:30

الجهاد وتببدأ معركة الكيس ومن دان نفسه. معركتك مع نفسك. آآ يعني اتكلمنا عن الدرس العام اتكلمنا عن الجلسة الأسبوعية واتكلمنا ولقاء الاخوة مع بعضها وترتبط الاخوة مع بعضها وان ده مش تضييع وقت ولا حاجة بالعكس ده مستقبل ده انت بتدي مستقبل حياتك بازن الله - 00:53:50

الحاجة الثالثة اللي هي الایه ؟ الورد السابت المقدس ورد العبادة السابت. المقدس اللي ربنا يفهمه بقى ده اللي ربنا رزقه الفهم. يعني انا اتكلمت على قد ما قدرت. كل واحد - 00:54:10

قاعد بقى ايه يعني يعني مرة بنتكلم بتكلم مع بعض الاخوة كده عن التضحية عشان الدعوة فلقيتهم الموضوع ده مش عندهم خالص. فالشيخ امين الانصاري كان معتكف معنا فبقول له يا شيخ امين كلمه. قال لي دي حاجات ما حدش يكلم حد فيها. دي حاجات لو ربنا ما رزقهاش للقلب العبد. ما حدش يقدر يصلها له. دي حاجات - 00:54:20

اللي بيديها للعبد ربنا. ما حدش بيسأل حد. دي حب في قلبك لله سبحانه وتعالى. واتكلمنا عن اكبر مصيبةتين ها الملزمين اللي التلات حاجات دول علاج لهم. اللي التلات حاجات دول ايه ؟ تلات خطوات حقيقة لنصف هاتين المشكلتين - 00:54:40

يعني هم هيخلصوا القصة ؟ لا مش هيخلصوها. انما دول تلات خطوات حقيقة لنصف الازمة اللي هي نصف. نصف بازن الله بعد كده في خطوات فكان في خطوات بس دي البداية بازن الله. قلنا مصيبة عدم السبات. عدم الایه ؟ سبات. لا يا شيخ هيسم. امبارح - 00:55:00

امبارح بيحضر دروس. الشيخ هيتم النهاردة جاي لك قبل الفطار يقول لك ايه سلام عليكم. كنت في الشغل يا جماعة. ها ؟ ويقول لك يا عم احنا شغالين ربنا وعاملين كنوز السنة اهو واللوحات عاملينها عايزين مننا ايه ؟ فكر اللي بيضيع بقى ان الاخ اول ما بيبدأ يستغل في صغر للدين يستغنى عن حضور الدروس. ويستغنى عن حضور - 00:55:20

خلاص يا اخواني ؟ الشيخ هيتم متظبط النهاردة. يبقى يبقى المصيبة الاولى مصيبة عدم الثبات ان ما فيش حد بيكمel. والمصيبة الثانية مصيبة عدم الترقى ان ما فيش حد بيترقى. ما بتلاقيش الاخ النهاردة نازل جولات بعد سبع تمن شهور تلاقيه بيدي كلمات. بعد - 00:55:40

تلات سنين تلاقيه بدأ يعني ايه يستغل بقى في الدعوة الفردية وينشط بعد اربع سنين تلاقيه يستغل في طلب العلم ما بينقلش. الاخ ما بينقلش ما فيعني نسأل الله سبحانه وتعالى السداد. حد يعرف يقول التلات نقط تاني ؟ ها ؟ تلات نقط ايه - 00:56:00

ما تقول يا جدع انت وهو. رقم واحد. حضور الایه ؟ هتحضر ؟ رقم اتنين ؟ لسه. الجلسة الخاصة اللي هي بتاعة الاخوة رقم تلاتة. الورد السابت المقدس. تعرف تقول لي التلات حاجات ؟ ها ؟ حد يقول الدرس العام. هتحضر - 00:56:20

رقم اتنين. الجلسة جلسة الاخوة السابعة بتاعة اخوانك في منطقتك. الورد السابت المقدس للتعبد ربنا يحفزكم يا اخوانى. ربنا يحفزكم من اللي غيركم بقى فيه. يعني اسأل الله سبحانه وتعالى الا نشقل فيكم كما يعني ثكل فيمن كان قبلكم - 00:56:40 - يعني نسأل الله سبحانه وتعالى ان لا يصييكم ما اصاب الناس. سبحانه الله وبحمدك اشهد ان لا الله الا انت استغفرك كل واحد بقى ياخد ايه؟ ياخد جنب ويقعد يعمل ايه؟ لا مش الورد ولا حاجة يقعد يعبد ربنا ويذكر ربنا بس ايه من غير هقة يا اخوانى. اه ازكار المساء بجد - 00:57:00 - 00:57:20 -